

通城縣志卷十五

人物上

鄉賢才猷

忠義儒隱

孝友義夫

懿行

文苑

宦蹟

從來忠臣孝子大節凜凜者尙矣次則才猷卓越學問淵深與夫義高行潔者皆足以維持世教振起後賢通邑銀山毓秀雋水鍾靈代生磊落瑰奇之士裒葺之以著於編俾後之覽者流連感慨景仰不置云

鄉賢

楊起莘

詳文苑

廖忠

詳忠義

通城縣志

卷十五

人物上

一

胡文忠

詳宦蹟

忠義

唐

廖忠

下太里茹菜壠人唐僖宗乾符四年黃巢

劇黨踞寨崇境仁義里山大肆殺掠忠偕弟恕糾

義捍禦晝夜奮戰賊斷其首猶躍馬七里始仆後

人因名其地曰七里山走馬嶺收葬平江大歇場

立有墓碑守臣以狀聞贈虎威將軍崇陽列祀鄉

賢別立廟於本居茹菜壠及崇陽朱紫橋側與弟

恕並祀

廖 恕 忠弟因兄爲賊所斃憤激血戰從者奮勇
爭先殺賊殆盡有司錄功上聞授官剿賊累勲封
端國公卒葬崇陽文昌閣下同兄廟祀

宋

方 瓊 梓木里人才兼文武哲宗丁卯舉人辛未
進士元符己卯筮仕累官兵部尙書宣和辛丑丁
艱歸乙巳金人入寇起復戡亂授鎮夷將軍戮力
防禦丙午金兵偪泊畿甸提師勤王殉國難勅櫬

通城縣志

卷十五

人物上

二

歸葬

詳 塋墓

高宗建炎二年詔建忠廟於鷄鳴嶺

下立碑春秋祀之邑侯尹仲有記

詳 藝文

康熙四

十四年邑侯辛禹昆以方瓊竭忠盡節詳請重修
廟祀雍正三年詔立後裔祀生一名世主其祭邑
侯周珙詳准以方文臣子楚正與祭忠廟後方彥
竒子耀宗承襲又崇祀忠孝祠

詳 建置

徐 福 宣和間仕於朝因童蔡用事致休尋金人

偪汴同邑人兵部尙書方瓊集鄉勇赴義殉節長
子元以骸歸葬寶積寺後龍形後李綱上言靖康

之禍有仗義死節者請加贈卹以福聞奉勅追封
賚御香金字牌匾

明

桂大芳 上善里人曾祖贅籍江夏大芳勇藝絕倫
幼隨父歸祖籍有心計富甲通邑好施與天啟辛
酉崇禎戊辰奇荒芳計口授糧全活甚眾邑侯沈
道全朱宗讓皆額獎天啟癸亥崇禎癸酉代邑窘
戶輸逋銀二千餘兩崇禎癸未八月十五日叛賊
張獻忠將入蜀分道過通恣殺掠芳憤激練鄉勇

通城縣志

卷十五

人物上

三

暨家丁出其不意要截楚門界殺傷無算賊憤甚
芳知必再至先寘婦幼別所賊果四集圍其室芳
率武勇升屋用勁弩環射賊眾三千折半賊益兵
大至芳見勢莫能支挺鐵耙翼以子弟家丁開門
衝殺偕子鍾秀死於賊

國朝

胡鵬盛 舉人揀選知縣大挑二等補歸州學正嘉
慶三年八月初五教匪陷歸州不屈死州人士爲
立節義高風匾 勅封忠節文林卽入祀本省昭

忠祠子孫蔭雲騎尉

以下咸豐年間防堵殉節已 准封蔭故登之

羅登魁 武舉道光十七年撫憲周撥入本標左營
二十年撫憲伍制軍裕拔補宜昌鎮營千總是年
奉委出師有功奉 旨賞戴藍翎二十三年制軍
裕委署本營中軍守備二十五年請給 勅命二
軸 誥封父母 馳封兄嫂二十七年致仕咸豐
四年粵匪踞通同知銜江忠淑委辦團防五年賊
復竄通督勇開仗三月十四日力戰陣亡爵閣督

通城縣志

卷十五

人物上

四

部堂官請 准議卹雲騎尉襲次完時給予恩騎
尉世襲罔替並給葬祭銀兩崇祀昭忠祠

李景湖 邑庠生上善里人咸豐甲寅籌辦本縣團
防乙卯投胡撫憲營管帶兵勇歸書云除却從軍
別無生路除却陣亡別無死法尋克復蒲圻武昌
撫憲以剿賊有功保 奏知縣加同知銜丙辰春
統帶仁義恭武諸營由蘄州進剿皖界力戰陣亡
奏 准追贈知府銜世襲雲騎尉崇祀昭忠祠

胡肇元 下黃里人舉人鵬盛曾孫襲恩騎尉督標

中營候補千總咸豐三年奉委署本縣把總五年三月賊匪竄通在西城外力戰陣亡崇祀昭忠祠黎立祖 甫田里人咸豐四年賊踞通城清軍府江進剿身爲先導屢獲勝仗旋以軍功委署本縣汛把總五年同李景湖投胡撫憲營管帶南勇衝鋒殺賊於金口地方力戰陣亡奉 准封蔭崇祀昭忠祠

胡在位 下黃里人咸豐三年由南省入撫憲胡營以軍功保舉花翎都司八年九月帶勇進剿於安

通城縣志

卷十五

人物上

五

徽三叉河力戰陣亡從祀昭忠祠

羅登吉 辛安里人咸豐六年投撫憲胡營以軍功保舉把總七年隨營剿賊於黃州府張家塆力戰陣亡奉 准蔭贈入祀昭忠祠

吳以臨 在坊里從九職咸豐四年隨清軍府江營督辦團防五月帶勇剿賊於棠梓冲力戰陣亡奉 准封蔭入祀昭忠祠

李集賢 下太里從九職咸豐五年同羅登魁等辦團防堵三月粵匪竄通督勇陣亡奉 准封蔭入

祀昭忠祠

葛貴昌 崇仙里武生咸豐三年土匪滋事協同官
軍防堵被擒不屈并其長子生員葛方太同日遇
害奉 准加贈外委銜從優給卹銀百兩其子亦
給銀百兩入祀昭忠祠

杜 若 甫田里優附生議敘六品銜疊辦團防湖
南撫憲吳給義重桑梓額撫憲龔給勤勞懋著額
並賜緞銀咸豐五年督防被逼殞命奉 准封贈
入祀昭忠祠子孫蔭雲騎尉

通城縣志

卷十五

人物上

六

吳必昌 在坊里人以父以臨襲撫標左營雲騎尉
候補守備同治三年任羅田僧塔寺汛千總賊至
帶傷出陣力戰被擒罵賊不休至剝皮刻骨以死
邑人不忍私立廟祀之崇祀昭忠祠

孝友

明

沈良教 縣城東門人有孝行按院給順慕終身額
年踰六旬孝惟一致有出告反面之忱執冬溫夏
清之禮崇祀忠孝祠

吳述道 唐時人七世同煙人丁數百紳士濟濟誓
不分居恐傷同煙之雅門前有一井供汲不竭有
司申奏勅賜義井牌坊碑鑄義井二字今存

潘可儒 字席珍辛安里廩生割股療母

通城縣志

卷十五

人物上

七

舒大治 字子道大猷弟恩貢資性純雅文望素著
孝友稱於鄉里七舉未第輿論惜之

李興唐 字百谷朱良里人崇禎間任山東登萊守
備致仕割股療親邑侯贈孝行終身額

國朝

吳顯術 字峙南侃士仲子孝友直諒資敏嗜學能
詩甫弱冠補弟子員內行修潔寡慾淡營父母存
日備極孝養沒廬墓盡禮居繼母蕭氏喪如其生
母年三十妻盧氏故終身不娶邑人高其誼舉報

優獎

黃羣又 梓木里人割股療父

盧世用 字嵩南庠生盤庚里人割股療母

葛文禮 字敍照崇仙里人割股療母

吳旦升 下黃里人割股療父邑侯吳文琦給孝行

足式額

李春潢 下黃里人割股療父邑侯給孝行可嘉額

黃翊聖 下太里人割股療父

吳芳珪 字斯文吳興圖人割股療父

通城縣志

卷十五 人物

八

張宗鐸 字玉振油坊圖人割股療父

李尊慈 字再來離宮中堡圖人割股療父

按割股療親久經例禁以上祇仍舊志記載

郭奇珀 坤宮西坪圖增生兄弟三人次奇玉監生

三奇綸庠生俱嫡出父庠生維坤母傅氏繼卒三

娶庶母李氏性嚴酷珀偕弟朝夕侍奉入則環膝

出則隨輿而李猶多拂意每於問安視膳時故事

摧辱家道中落珀等事之維謹終身罔懈

杜亨德 甫田里舉人父早故事母以孝所嗜必多

方購不以貧阻飲食寢興必以身親母歿痛哭幾絕粒米不入口者數日居喪禁葷酒三年姊氏強以雞豚勸泣曰除是母能再嘗亦嘗卒年九十一歲

葛殿登 崇仙里人父早故事母以孝聞母壽百有三歲敬事勿衰學師張玉衡贈孝必得壽額詳請旌表現年九十三歲

羅敬一 辛安里人母程氏有瘋疾無人敢近敬百計調養每延接親朋先備酒脯奉母然後出欸客

三十餘年行之弗渝

通城縣志

卷十五

人物上

九

懿行

明

吳應鷄 萬歷間庠生善體父意友于兄弟輕財分
潤至性天成

李邦直 歲貢嘉靖間任推官端方正直真誠自矢
繩人一以理法踰年歸田杜門習靜屢薦賓筵賢
稱鄉里

劉 卿 歲貢嘉靖間任思明州吏目忘情勢利訓
子嚴明

通城縣志

卷十五 人物上 十

何 謨 歲貢萬歷間官縣丞經歷浩然勇退明經
訓子

徐克尹 歲貢萬歷間掌教湖口星子等縣遷太平
府教授黜浮華明義利所至士風丕振居家課讀
外無餘事

徐士旦 歲貢崇禎間掌教岳州府旋陞江南歙縣
知縣未釋褐時繩趨尺步卓有儒行

國朝

程儒憲 舉人盛泮父悃悞恂謹不琢不雕事親能

孝友于兄弟子孫多貴顯

吳鼎彝 歲貢宅心忠厚博學能詩

周必新 拔貢秉性純謹才學並茂

李藻鑑 上善里人性質樸博涉書史忠厚待人言

笑不苟時有善士之稱

周 蓮 歲貢品行端正學問深醇

吳章泰 恩舉人培植世德曲體親心友愛昆弟和

睦鄉鄰苦志課讀年九十餘猶手不釋卷

胡迅鸞 乾宮左港圖武庠入泮後決志讀書集有

通城縣志

卷十五 人物上十一

左溪詩稿居平好善兼以善勸人子四三列膠庠

居喪有血性錄

文苑

宋

楊起莘 登理宗寶祐四年丙辰科文天祥榜第二
名是科考官王應麟奏賀得人一甲十名皆賜狀

元及第

宋錄載莘貫鄂州通城
通志作起莘莘字之訛

按崇通分縣在北宋神宗熙甯五年距寶祐四
年計一百八十五年又莘世居通城西門外烏
橋畝官終九江倅歸葬城內隆平寺前城隍殿
後 國朝雍正十二年邑侯孫斯璫奉 旨清

通城縣志

卷十五 人物上十二

塚勒碑撰有告文

詳藝文

崇祀鄉賢祠是莘固

專隸通崇舊志載莘名誤矣今縣署頭門外石
鼓獅子皆其所居遺蹟

孔 拱 字執謙孔瑑子端植三世孫少孤好學習

經讀史著有錫山草堂集五卷村居雜興三卷

詳闕

里志

明

何 隆 經魁掌教新津長壽致仕歸田吟詠自適

宏治初修輯縣志

周應鍾 歲貢篤學博文著有蛩吟詩集

桂庭萃 拔貢以父贅江夏因隸江夏籍任河南河

內縣教諭工吟咏著有程子易義皇極註解

舒大猷 舉人著有海平紀略歷任拙錄諸儒粹義

策學及清心亭稿萬歷戊戌纂輯縣志

周 書 歲貢風度豪邁學問淹通長於詩賦著有

六一軒集

周 祐 歲貢精易工詩古道照人

吳應鵬 舉人懷書十上兩中會副善辭賦字畫有

通城縣志

卷十五 人物上十三

補朱易義永嘉方伯周應期張應麟爲之序門下

生舉人周宗璧何逢年授梓明季版燬又著有劍

吼集燕臺焚稿

吳廷輔 拔貢性穎異過目成誦七歲能文年十二

冠童子軍十五考授選貢朝考一等文詞詩賦敏

捷淋漓掌教鎮江名宿無不欽服

國朝

吳有才 歲貢兩中副榜凡子史百家及野史雜編

無不淹貫著作甚多

吳開澄 舉人五策進 呈聰穎嗜學諸子百家無
不涉獵梓有水利策嫁春吟乾隆甲申編輯縣志
家素封遇事肯爲尤精堪輿

黎正經 恩貢著有閒中草詩集舉業金丹

程盛泮 舉人掌教青陽書院著有二程文集註好
善近情世談錄漁溪試路二草蘭室管見及教童
四字佳言等書卜居銀山石塢漁溪友人吳峩峙
題程子塢三字

孔尙先 歲貢學有根柢制藝倜儻不羣家多藏稿

通城縣志

卷十五 人物上十四

許忠清 亞元學問淵深爲文高古有名家風著有
學庸擴解

胡鵬盛 舉人學問深純天姿穎異集有周易春秋
禮記約訓

黎由高 拔貢才通學博著有易經後天歸圖四卷
採入四庫全書登湖北省志

杜亨德 舉人 賜翰林院編修家苦寒終日以讀
書爲事雖饔飧不給弗計也爲文高古奧衍年七
十六登鄉榜集有春秋左傳易經註說

葛忠郭 恩副貢爲文幽奧蒼古不隨時好崇陽通
山義甯人士負笈接踵集有桂崙別稿四書摘要
吳粵省 舉人性癖古籍毫而好學積書數千卷著
有質疵小草蠡解文訣

吳保泰 舉人性渾厚學問深邃掌教青陽書院集
有學庸銘義四書銘義周易觀光易經解春秋經
義聯珠玩齋詩文稿

胡觀岱 舉人心性純篤絕無蹊蹺掌教興山巴東
歸州士習文風翕然不變提學王給額嘉獎初館

通城縣志

卷十五 人物上十五

江西新昌門下士登賢書捷春榜入詞垣者甚多
集有裕後山房文稿

吳壽平 由拔貢中式幼穎異工書法五歲能詩七
歲能文讀書數行俱下九歲應試以神童稱著有
耕雲書屋詩話漱六堂文集

雷敬春 歲貢集有攄英文集

黎景珠 歲貢性穎達博學能文掌教黃安縣令李
莘田聘閱試卷延作西賓集有三字錦爾雅春秋

周易撮要

周江 恩貢集有子史精華類編賦爾雅音註

杜光海 副舉人器度端雅學問純粹隨叔禮明掌

教山西岳陽縣開運書院家居授徒造就多人集
有時文及左傳妥本

易光琨 恩貢集有玉農詩草

郭亦棠 舉人性磊落文思敏捷任蘄州訓導卒於

任州人士作百韻詩誄之道光癸卯輯修縣志未
梓

金月桂 拔貢工詩賦能文章著作甚多

通城縣志

卷十五 人物上十六

聶森坤宮踏水圖廩庠學問淹通文思浩瀚其平
居課藝及應試文稿散傳後學莫不沾溉

熊握元 坤宮寶積圖庠生號鴈坪性明通善詩文
集有木樨居士文稿太史張芾爲之序

吳嗣泰 號崧麓廩庠品端學粹爾雅溫文集有學
庸講義經解辨異博通便覽撮要及八銘堂選本
疏解詳妙從遊者多被陶成

黃純佑 優附貢品行端方集有禹貢本義存省吟

日用淺語

宦蹟

宋

孔文樸 進士寶祐間歷任玉沙主簿知潭州湘潭
尉清介有古廉吏風

明

胡文忠 修竹里人才幹疏朗品格魁梧洪武間以
人才薦授四川南川縣典史卓有政蹟勤明廉介
邑人立祠祀之入鄉賢祠

楊志忠 下太里人洪武中以人材薦授漢中府經
歷有奇績當路推重

通城縣志

卷十五 人物上十七

孔克亮 選貢洪武初宰鉛山旌德陝西咸甯三縣
以廉介聞致仕歸田無多僕從陪車惟圖書數卷
而已

劉仕昌 進士永樂間官御史有直聲彈劾糾察上
觸忌諱下斥權奸時號朝陽鳴鳳建繡衣坊

方 瑛 舉人景泰間累功任都督時羣蠻猖獗平
越州被圍已一載城中糧盡掘草根煮弩革以食
御史黃鎬置疏竹筒中募土人乞援於朝命保定

伯梁瑤與都督方瑛會同湖廣總督侯璉率師進討瑤瑛至璉檄諸將剿之破八十餘寨平越圍解復與方瑛等破三百餘寨明年春蠻眾縛酋首以降

劉紹元 進士成化間知無爲州有善政士民戶祝
吳尙經 拔貢正德間任雲南騰衝衛經歷建有生祠

盧仲秩 拔貢正德間宰酆都大足有善政涪州進士夏邦謨有花封春意序

通城縣志

卷十五 人物上十八

胡澤 舉人嘉靖間掌教霍山奇偉慷慨正直剛方推實學以垂訓捐廉俸以易書及門悉稱譽髦取士如李岷山諸公皆督撫卿佐之器入瀛州府名宦祠

吳廉 歲貢嘉靖間掌教上高泰州博學簡易士林崇仰

謝仁 歲貢宰大足縣渾厚質樸卓有循聲
楊潛 歲貢嘉靖間任華州州判佐政有聲

王興舉 歲貢嘉靖間掌教彰德府光明磊落爲士

林翹楚

舒大猷 舉人嘉靖閒累官至布政越三朝歷十一
任兩京部院省直撫按薦舉四十二次奉旨陞正
三品食從二品俸二次欽賞銀幣七次事蹟詳平
海紀畧歷任拙錄其餘著作尙多詳文苑猷負景
星慶雲之標光風霽月之度學術步朱程勛業追
韓范爲鄉賢中第一名流

胡 淳 歲貢精易能詩隆慶間掌教荆門從化古
樸誠慤多士宗仰

通城縣志

卷十五 人物上十九

吳應鵬 舉人萬歷間授浙江温州府司里甫蒞任
郡困海氛隨詳平海十事督院羅汝元戎政尙書
陸完學嘉採優獎郡商苦鹽稅鵬詳鹽法十約鹽
院祝徽尤爲獎賚但恃才性傲遇事敢言值海寇
劉香老蹂躪甯台突入温州鵬握海防券向都戎
韋古生畫計偕海瑞孫別駕海宴戮力斬馘郡邑
賴安督院司道以平海首功表入適武弁副戎袁
大甯嫉功不已出乘鵬出巡潛率磐石黃華等衛
官役藉郡月糧乏賞鼓噪守府牟士龍力阻不可

鹽臺張任學臨郡牟歷數鵬功十餘件鹽臺以爲
沽直遂偕府倅陳揚美黃金鼎及兵憲杜喬林連
名劾參鵬卽挂冠歸田杜門吟咏督子弟完賦讀
書餘無他囑尋同年姪楊嗣昌授天下節鉞剿李
張逆賊起應鵬出答曰知足不辱吾老不能用力
辭登湖北省人物志著作詳文苑

舒勳 大猷子生員授光祿署丞質直好義矩矱
先民

盧敦 歲貢萬歷閒掌教湖南平江四川安縣恬
淡寡營謹愨有守

續 采 舉人萬歷閒掌教安鄉振興文運復宰孟
縣卓有政蹟邑人爲建生祠 按采茂年擢秀未
艾歸林布衣疏食猶存太古之風枕石漱流綽有
幽人之致有司敬重鄉里儀型

吳繼祺 選貢宰四川溫江縣品學兼優循聲丕著
孔宏憲 選貢萬歷閒掌教黃岡陞甯波府教授才
學優博楷模士林

盧錦心 選貢天啟時任江西新淦縣縣丞尋陞沅

通城縣志

卷十五

人物上二十

江知縣又陞茂州知州擢雲南鹽法道有德政歌
桂添華 庠生有膂力善騎射萬歷初麻陽縣鴨河
苗叛從征五載以掩馘首功授武職累官南京松
江府守備
桂大政 庠生崇禎初任河南太康知縣俗以妻妾
質錢生子免息政痛革之

國朝

葛世眾 歲貢順治間授江西永新知縣陞河南汝
州知州州志載政治清廉民歌慈母順治八年巡

通城縣志

卷十五 人物上二一

撫何騰蛟贈浚明揚休額

杜禮明 舉人乾隆間宰山西汾西太平岳陽等縣
分校棘闈所取得人岳陽爲山西小邑科甲寥寥
禮命姪光海掌教書院加意培植科甲漸蕃居官
慈惠明允有杜母之稱丁艱起復選雲南呈貢知
縣以病乞休行李蕭然自題其眞爲一拂居士主
教本邑青陽書院

吳粵自 例貢乾隆間署施秉縣丞代理長賽同知
承辦賑務不染一指臺灣告警委送官軍三千至

粵西緬甸貢使往返護送妥協 王師進剿苗匪
施邑夫馬不敷知縣惶惴欲自盡自奪其刀挺身
代辦毫無違誤歲荒懇發廩濟民全活無數爲黔
省著名吏

吳文光 歲貢乾隆間任京山訓導勤於課士邑水
災協縣尹領帑發賑撰賑策五條災民安輯

吳文廉 廩貢任應城訓導本府周稱爲年富學優
持躬維勤上憲疊保列爲勸職三遇 覃恩兩膺

封典

通城縣志

卷十五 人物上二二

吳冀太 進士道光時宰安徽繁昌歙縣潛山等縣
居宮廉明平允邑民額贈民之父母餽遺青白二
菜其時有吳清廉之稱

才猷

明

羅仲亢 歲貢任漢中府通判見利不苟遇事有能
陞漢中府

何 洪 歲貢宰永甯縣氣度端雅才識敏達

劉孟垣 歲貢由知縣陞刑府紀善有才能致仕後
官師敬信語具舒方伯誌銘

胡萬倫 歲貢任溫江縣主簿佐政有聲上游多器
重之

通城縣志

卷十五 人物 上二三

國朝

李珩林 舉人宰甘泉署直隸商州暨漢中府留垣
同知才具謹飭政績多端

儒隱

宋

孔拱 隱居錫山草堂坡著作詳文苑

明

何端 字邦正資性穎達讀書諳大義磊落不羈
棘隱南塘怡情詩酒年八十二而卒

胡正清 字端本上善里人家貧嗜學言動不苟爲
塾師取俸易書史凡天文地理之類悉加涉獵工
於詩賦無塵俗態

通城縣志

卷十五 人物上二四

黎子英 乾宮圖人博覽書籍不樂仕進自構梅樓
號曰梅樓居士爲當時宦達所器重翰林學士方
童承爲之傳

國朝

何昨非 字在中性好靜隱居黃龍山著有黃龍歌

義夫

明

沈才全 東城人按院任考語撫姪輩如己子待鄰里若家人鰥居四十年清白自矢年踰七旬手不

釋卷

舊志

國朝

黎劭朝 字石梅恂謹篤實不任浮華家頗饒早年失配誓不再娶鰥居數十年毫無瑕玷里人稱之方箴四 辛安里人業儒渾厚質樸言動不苟青春

通城縣志

卷十五

人物上二五

失配鰥居終老人無間言卒年七十三歲

何風吉 崇仙里人業儒居心忠厚年二十妻故誓不再娶人無間言

李錫元 兌宮九嶺圖人性沈篤嗜學青年失偶誓不再娶潔清自守卒年六十四歲